



Datum
18 september 2007

Onderdeel
Voorlichting VNW

Inlichtingen
Mariëlle Capello
T 00 5999 4343 209
F 00 5999 4614 705

Blad
1 van 1

Bezoekadres
Scharlooweg 55
Willemstad, Curaçao

Postadres
Postbus 441
Willemstad, Curaçao

Komunikado di Prensa

Kapítulo IV Presupuesto di Reino

Relashonnan den Reino

Na kaminda pa relashonnan nobo i gobernashon mas fuerte

Reino ta na bispu di kambionan grandi. Na 2008 mester konkretisá e relashonnan nobo den Reino. Kòrsou i St. Maarten ta haña status di Pais den Reino. Bonaire, Saba i St. Eustatius ta opta pa laso mas estrecho ku Hulanda. E fecha proponé pa e relashonnan nobo ta Dia di Reino, 1 di desèmber 2008.

Fortifikashon di efektivitat i gobernashon

E proseso relashoná ku struktura estatal ta duna un oportunitat úniko pa, huntu ku Aruba, Kòrsou, Bonaire, Saba i St. Eustatius, traha riba un gobernashon ku ta den un mihó posishon pa sirbi poblashon mas mihó posibel. Esei ta rekirí un gobernashon efisiente, íntegro i transparente. Huntu ku e islanan lo traha riba mehoramentu pa kontribuí na un bon posishon di salida pa e islanan den e situashon estatal nobo. Den kuadro di e kambionan den struktura estatal i dentro di e manejo di koperashon lo tuma medida pa drecha kalidat di gobernashon i e aparato gubernamental. Tambe lo pone finansa públiko na òrdu, lo stimulá ekonomia i mester oumentá seguridat i seguridat hurídiko. E mehoramentunan aki ta importante pa futuro di poblashon di e islanan. Primeramente implementashon di e medidanan ta responsabilidat di e islanan mes. Den e kuadro aki Hulanda lo duna sosten den forma di eksperto finansiero, ekonómiko i hurídiko. Tambe a reservá plaka pa fortifiká e gabinetenan di e gezaghebbenan.

Finansa públiko

Défisitnan konstantemente altu riba presupuesto di gobièrnunan i debenan kresiente di gobièrnu ta rekirí un aserkamentu drástiko. Situashon di finansa públiko na Antia Hulandes ta alarmante. Den e akuerdonan (Akuerdo Final i Akuerdonan Transitorio) ku a sera ku Antia Hulandes, Hulanda a deklará ku bou di sierto kondishon nan ta dispuesto pa sania e debenan. Pa saniamentu di debe Hulanda a reservá un montante di €2.2 mil mion.

**P
E
R
S
B
E
R
I
C
H
T**

E kondishon prinsipal ta introdukshon di supervishon finansiero riba tur isla. Ta antisipá ku na 2008 lo tin un entidat di supervishon funshonando na tur e islanan di Antia Hulandes. Asina e entidat di supervishon ta funshonando, por kuminsá ku saniamentu di debe i di retraso den pago. Ta antisipá ku den segundo mitar di 2007 lo por kuminsá ku e saniamentu aki pa Bonaire, St. Eustatius i Saba.

Fuera di saniamentu di debe e Inisiativa Sosial Ekonómiko ta un estímulo importante pa yega na un desaroyo ekonómiko duradero. Pa kada isla ta tuma medidanan konkreto pa stimulá ekonomia.

Mantenshon di lei

Siudadanonan na Antia Hulandes ta pidi mas seguridat. Na 2008 lo kontinuá ku e koperashon den kuadro di e Plan di Seguridat di Antia Hulandes (PVNA). E koperashon a kuminsá na 2005 i e resultado ta ku e kantidat di atrako na Kòrsou a keda redusí na mitar. Pa esei Hulanda ta paga 10.5 mion Euro riba un base anual. Ku Aruba tambe lo kuminsá un Plan di Seguridat komparabel na 2008.

Kuido di Monumento na Antia Hulandes

Lo duna un impulso fuerte pa eliminá retraso den mantenshon di monumento na tur isla di Antia Hulandes. E monumentonan ta forma un parti importante di historia di Reino, i p'esei nan tin un balor kultural i históriko masha grandi. Parti di e monumentonan aki ta riba Lista di Patrimonio Kultural Mundial di UNESCO. Pa e meta aki gabinete hulandes ta pone 8 mion Euro disponibel pa e periodo benidero di gabinete.

----- fin di relato pa prensa -----

Por download e Presupuesto di Reino, Kapítulo IV (Relashonnan di reino) na www.Rijksbegroting.nl

Pa mas informashon: Mariëlle Capello, tel (=5999) 4343209 òf (+5999) 5100477.